

ընդերքի տեսչական մարմնի համար հաստատված ստուգաթերթերով, որի իրավասությունը չունեն:

3. Տեսչական մարմինը Կանոնադրության 12-րդ կետի 6-րդ ենթակետով սահմանված կարգով ժամանակին չի մշակել և համապատասխան մարմիններին չի ներկայացրել իր իրավասությանը վերաբերող իրավական ակտերի նախագծեր:
4. Տեսչական մարմինը 2017-2018թթ-ին ստուգումներն իրականացրել է թիվ 1 (ընդերքօգտագործում՝ մետաղական հանքավայրեր) և 13 (արդյունաբերություն՝ արտադրություն և շինարարություն) ստուգաթերթերով, այնինչ ՀՀ կառավարության 2015թ. -ի հուլիսի 30-ի № 839-Ա որոշման հավելվածի 4-րդ կետով պետք է իրականացվեր թիվ 11 (բնության հատուկ պահպանվող տարածքների կառավարում, պահպանություն) և 6 (թափոնների հավաքում, մշակում և ոչնչացում, թափոնների վերամշակում) ստուգաթերթերով:
5. Տեսչական մարմինը չի իրականացրել ՀՀ բնապահպանության նախարարության բնապահպանության և ընդերքի տեսչական մարմնի կառավարման խորհրդի 2017 թվականի նոյեմբերի 29-ի № 06-Ա որոշմամբ հաստատված 2018թ.-ի ստուգումների ծրագրով նախատեսված թվով 250 ստուգումներից 215-ը:
6. Տեսչական մարմինը չի մշակել դիսկերի վրա հիմնված մեթոդաբանություն, ստուգաթերթեր:
7. Տեսչական մարմինը տնտեսավարող սուբյեկտներից և հանրությունից ստացված բողոքներով արտածրագրային ստուգումներ իրականացրել է առանց պատշաճ հիմքերի, իսկ ստուգման հանձնարարագրերում հստակ չի սահմանել դրանց հիմքերը, ինչպես նաև հիմնավորումներ, որ սպառնացող վտանգի աստիճանը բարձր է, կամ նույն տնտեսավարող սուբյեկտի վերաբերյալ կարճ ժամանակահատվածում ստացվել են բազմաթիվ բողոքներ:

Առաջարկություններ

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Սահմանված ժամկետներում մշակել և Կառավարությանը ներկայացնել ՀՀ բնապահպանության և ընդերքի տեսչական մարմնի ստուգաթերթերը:
2. Ստուգումներ իրականացնել բոլոր հաստատված ստուգաթերթերով, որպեսզի Տեսչական մարմնի Կանոնադրությամբ հաստատված վերահսկողության բոլոր ոլորտները լինեն մշտական հսկողության ներքո:
3. Ժամանակին իրականացնել ստուգումների ծրագրերով նախատեսված բոլոր ստուգումները:
4. Քաղաքացիների դիմում-բողոքների հիման վրա արտածրագրային ստուգումներ իրականացնել ՀՀ կառավարության 2015թ. -ի հունիսի 18-ի N 711-Ն որոշմամբ հաստատված կարգի համաձայն, այսինքն այն դեպքում, երբ սպառնացող վտանգի աստիճանը բարձր է, կամ նույն տնտեսավարող սուբյեկտի վերաբերյալ կարճ

ժամանակահատվածում ստացվել են բազմաթիվ բողոքներ, և ստուգման հանձնարարագրերում հստակ սահմանված լինեն դրանց հիմքերը, ինչպես նաև հիմնավորումները:

Հաշվեքննության օբյեկտների ղեկավարների պատասխան

Տեսչական մարմին՝

Տեսչական մարմնի կողմից «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասով սահմանված 10 օրյա ժամկետում չի ներկայացվել առարկություններ և բացատրություններ՝ կազմված հաշվեքննության արձանագրությունում նշված անհամապատասխանությունների կամ խեղաթյուրումների, ինչպես նաև այլ տեղեկատվության վերաբերյալ:

ՀՀ բնապահպանության նախարարություն՝

ՀՀ բնապահպանության նախարարության կողմից այս կետի վերաբերյալ առարկություններ և բացատրություններ չեն ներկայացվել:

III. ՏԵՍՉԱԿԱՆ ՄԱՐՄՆԻ ԿՈՂՄԻՑ ԻՐԱԿԱՆԱՑՎԱԾ ՎԱՐՉԱԿԱՆ ՎԱՐՈՒՅԹՆԵՐԸ

Տեսչական մարմնի կողմից 2017-2018թթ.-ին իրականացվել են թվով 797 վարչական վարույթներ:

Սակայն, հարկ է նշել, որ Տեսչական մարմնի ղեկավարի 111.1/11.2/1475-18 13.12.2018թ. գրավոր տրված մեկ այլ տեղեկատվության համաձայն Տեսչական մարմինը 2017թ.-ին իրականացրել է 178 վարչական վարույթ, իսկ 2018թ.-ին՝ 171 վարչական վարույթ:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին և 2-րդ մասերի համաձայն վարչական վարույթ հարուցելու հիմքերն են՝

ա) անձի դիմումը, բողոքը.

բ) վարչական մարմնի նախաձեռնությունը:

Վարչական վարույթը համարվում է հարուցված՝ համապատասխան դիմումը կամ բողոքը վարչական մարմնում ստանալու օրվանից, բացառությամբ այն դեպքերի, երբ դիմումը կամ բողոքը վերահասցեագրվել է ըստ իրավասու վարչական մարմինների կամ վերադարձվել է դիմողին (բողոք բերողին):

Տեսչական մարմնի կողմից 2017թ.-ին իրականացվել են թվով 325 վարչական վարույթներ, որից Ջրերի, մթնոլորտի, հողերի, թափոնների և վերահսկողության վարչության կողմից՝ 5, Կենսաբազմազանության վարչության կողմից՝ 1,

Երևանի ՏԲ-ի կողմից՝ 12, Արագածոտնի ՏԲ-ի կողմից՝ 17, Արարատի ՏԲ-ի կողմից՝ 19, Արմավիրի ՏԲ-ի կողմից՝ 33, Կոտայքի ՏԲ-ի կողմից՝ 38, Գեղարքունիքի ՏԲ-ի կողմից՝ 52, Տավուշի ՏԲ-ի կողմից՝ 78, Լոռու ՏԲ-ի կողմից՝ 33, Շիրակի ՏԲ-ի կողմից՝ 19, Վայոց ձորի ՏԲ-ի կողմից՝ 11, Սյունիքի ՏԲ-ի կողմից՝ 7 վարչական վարույթներ:

2018թ. սեպտեմբերի 30-ի դրությամբ իրականացվել են թվով 472 վարչական վարույթներ, որից Ջրերի, մթնոլորտի, հողերի, թափոնների և վերահսկողության վարչության կողմից՝ 19, Ընդերքի վերահսկողության վարչության կողմից՝ 8, Կենսաբազմազանության վարչության կողմից՝ 5, Երևանի ՏԲ-ի կողմից՝ 30, Արագածոտնի ՏԲ-ի կողմից՝ 30, Արարատի ՏԲ-ի կողմից՝

13, Արմավիրի ՏԲ-ի կողմից՝ 19, Կոտայքի ՏԲ-ի կողմից՝ 7, Գեղարքունիքի ՏԲ-ի կողմից՝ 56, Տավուշի ՏԲ-ի կողմից՝ 126, Լոռու ՏԲ-ի կողմից՝ 86, Շիրակի ՏԲ-ի կողմից՝ 38, Վայոց ձորի ՏԲ-ի կողմից՝ 21, Սյունիքի ՏԲ-ի կողմից՝ 14 վարչական վարույթներ: Տեսչական մարմնի կողմից կարճվել են 2017 թ. -ին թվով 6, իսկ 2018թ. -ին՝ 44 վարույթներ: *Տեսչական մարմնի կողմից 2017-2018թթ.-ին իրականացվել են թվով 797 վարչական վարույթներ:*

Սակայն, հարկ է նշել, որ Տեսչական մարմնի ղեկավարի 111.1/11.2/1475-18 13.12.2018թ. գրավոր տրված մեկ այլ տեղեկատվության համաձայն Տեսչական մարմինը 2017թ.-ին իրականացրել է 178 վարչական վարույթ, իսկ 2018թ.-ին՝ 171 վարչական վարույթ:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ.-ի հունվարի 1-ից 2018թ.-ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմինը տրամադրել է միմյանց հակասող 2 տարբեր տեղեկատվություն իրականացված վարչական վարույթների թվաքանակի մասին:

Առաջարկություններ

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Մշակել դիմում-բողոքների և վարչական վարույթների գրանցման այնպիսի մեխանիզմ, որը հնարավորություն կտա ճշգրիտ և հստակ պատկերացում ունենալ վարչական վարույթների հարուցման և վարման ամբողջ գործընթացի վերաբերյալ, ինչի արդյունքում հնարավոր կլինի խուսափել իրարամերժ տեղեկատվություն տրամադրելուց:

Հաշվեքննության օբյեկտների ղեկավարների պատասխան

Տեսչական մարմին՝

Տեսչական մարմնի կողմից «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասով սահմանված 10 օրյա ժամկետում չի ներկայացվել առարկություններ և բացատրություններ՝ կազմված հաշվեքննության արձանագրությունում նշված անհամապատասխանությունների կամ խեղաթյուրումների, ինչպես նաև այլ տեղեկատվության վերաբերյալ:

ՀՀ բնապահպանության նախարարություն՝

ՀՀ բնապահպանության նախարարության կողմից այս կետի վերաբերյալ առարկություններ և բացատրություններ չեն ներկայացվել: